


欽欽新書  
五







欽欽新書目次

第十三卷 祥刑追議一

首從之別一

歐人阮彪召人共歐廣州庖成龍

實因被打

首從之別二

歐者畜慈從者助力義州崔聖侗

實因被打

首從之別三

兩人共歐護強指弱平壤韓世明

實因被打

首從之別四

兩人共歐護強指弱洪川具時奉

實因折項

首從之別五

兩人共歐護強指弱信川王士坤

實因被踏

第十四卷 祥刑追議二

首從之別六

兩人共歐一勒一踢長湍高之方

實因被踢

首從之別七

兩人共歐一推一踢長者張小斤

實因被踢



首從之別八

海兩南人共毆一觸一踢

實因被觸

首從之別九

西晉人同犯一奸一助

實因被刺

首從之別十

父子同犯子救母難

實因被踢

首從之別十一

母子同犯母鍾子踢

實因被踢

首從之別十二

叔侄同犯一死一釋

實因被打

首從之別十三

叔侄共犯一宥一囚

實因被打

首從之別十四

兄弟同犯一囚一放

實因被踢

首從之別十五

兄弟共犯兄弟宥

實因被打

首從之別十六

兄弟同犯互相推護

實因被蹴



首從之別十七

爭山伐喪一呼眾應  
義城丁奉蓋

實因被打

首從之別十八

爭山禁葵交歐亂政  
晉州林虞甲

實因被打

首從之別十九

淫妹觸怒糾眾殺姦  
海州趙命得

實因被打

首從之別二十

獄率主使以囚殺伴  
海州崔應才

實因被觸

首從之別廿一

奴主同犯先歐後箠  
仁川咸三時

實因被踢

自他之分一

死以刺刃諫云自刺  
金川鄭先伊

實因被刺

自他之分二

死以刺刃詐云自刺  
龍岡宋壽殷

實因被刺

自他之分三

死以自縊却在誣告  
谷山張斗必

實因自縊

自他之分四

死以自縊念在被驗  
海州李從奉

實因自縊

自他之分五

既歐以斃假縊以掩  
全州梁時矣

實因被打



自他之分六

既歐而斃假縵以埋  
海南鄭卜男

實因被打

自他之分七

斜差歐勒詠云自縊  
通津張志興

實因被勒

自他之分八

當寒細縛疑於氣室  
洪川李聖賓

實因被縛



欽欽新書卷之十三

刑水子丁鑄輯

祥刑追議

粵唯我

正宗大王臨御二十五年欽恤之仁度越百王服念精深

生死無冤史臣聚前後御判為祥刑考一百卷舊在

館閣曾已較閱流落以來不復覩記近有人就祥刑考

中選公案數百以示其中亦有不載御判者

御判依  
回卷施

行則或  
不載

山中鑄閱潛然感舊因念按獄之人或遭疑獄

宜執此索引援如聖經遂復彙分或附妄論為祥刑追



議以俟來者

首從之別一

毆人既死召人共毆  
根由實案實因被打

廣州民扈聖龍等殺鄭福實本道落曰京畿觀察此

獄之一獄兩因一則正犯一則干犯而干犯正犯之別

最宜審慎謹就本案反粟考證則扈聖龍之為正犯全

幼漢之為干犯明有可驗是白傷處則右眉角上之骨

破血凝額顱臍肚之血凝堅硬俱係當下致命之傷是白

遣左脊左脇之間肉爛作孔無非要害速死之處則其

受毆即死更無可疑是白但犯手下手之先後輕重當

先辨別而兩漢之互相推諉各自畧免者俱不可取信



最是裴再龍之前後供辭為第一公證蓋其初檢時初

招則曰置祇人還去時矣身自矣身罪人踉後往見則路

上有人僵仆即同里人福實死已久矣置祇人指為死

僧之杖是如為更招亦曰追從往見則福實前已被打

死倒而聖龍更與幼漢同力毆打是如乎今此幼漢即裴

再龍所稱置祇人是白兩招立證十分明的聖龍之為

先毆幼漢之為後犯據此可知是白意彼聖龍乃敢一

向推諉百計掩諱或謂之兩手被執莫可犯手是如或

謂之初無犯手獨不被縛是如言杜撰節、窘迫也

喻雖以租苞事言之方言稱不眷平日快、之跡已自

喻雖以租苞事言之者謂之租



難掩及其乘醉亂打流血被面則自料其罪關殺傷

乃生別般奸計呼來在嶺之幼漢假托相救暗圖分罪

究厥心腸寧不萬一校惡乎渠兩手托自簇不金水長

家一場酬酢則聖龍之斲以元犯獄體當然雖以造謀

加功之律比論

是良置

聖龍當屬正犯幼漢自歸隨從况

且首先犯手致令僵仆則其罪不但止於造謀

是白

漢

陵

雖曰隨從同力毆踢渠亦自服當以次律勘當

是白

矣其在慎獄體重人命之道有不敢擅便

是白

判付曰一獄兩犯當分首從若首若從當看傷處扈哥則

以石撞著兩眉角至於骨破

是如

金哥則以杖毆打兩脊



背至於肉爛

是置如為

夫所謂骨破也肉爛也俱係要害即

死之界則不可但以傷處之緊歇硬定元犯惟今決折之  
方無出手勢之先後及首謀之誰某也再龍即致死人之  
族屬似無恩怨而必以扈哥為先打日金郎被告人之族  
屬豈有愛憎而亦以扈哥為初犯則扈哥雖欲抵賴豈可  
得手逃避縛去之際莫掩泥斂之聞歸說打來之事有若  
春雄之鳴此獄元犯非扈哥而誰也況此扈哥以洪樂純  
家客與金哥同惡相濟怙勢作挐無所不有

是也

甚至白

畫大都之中公行殺越之變本罪

除良

即此一款情狀尤

極痛駭然首從猶未快辨訊推亦至屢度一人致斃二人



償命論以獄體必無其理更令道伯別出意見親執嚴查  
分首從論理狀聞後稟處

臣謹按以器械則石頭猛於杖頭以部位則眉角重於

脊背以傷損則骨破深於肉爛以根因則福苞之惡起  
於扈以犯手則嶺上之來後於扈此獄首從非真有疑  
特以好生之仁姑貸必死之命也

首從之別二

毆者蓄惡從者助力  
根由好淫實因被打

義州民崔聖個殺韓再起刑曹啓曰蓋此崔聖個獄

事查官決語既甚明白道臣跋詞亦極端的聖個雖以  
呈單叅會給藥運屍等事並移正犯於相赫而對質之



時奸狀反露雖以田當含嫌之說欲破宗秀之立證而  
所謂田當事在不康熙年間宗秀祖先之時到今逞憾  
不已晚乎奸妻火廟既是切齒之怨則逢湯毆打不極  
而何傷處俱在要害詞證亦係分明設令相赫有所干  
犯兩人共犯當以下手重為正犯罪人崔聖調段待用  
刑連加嚴訊期於得情為自崔相赫段呈單而起鬧者  
相赫也執之而助勢者相赫也有不可以尋常從從論  
亦待用刑嚴訊照勘為自崔並大段敢將不成之說驚  
動宸聽又以難明之事指斥嫡母犯欺天之罪昧諱  
親之義論其罪狀不可以為父訟寃年纔成童有所曲



怒自本道另加懲礪為白趙明佑段再起焚廟之事因

嫌倡言轉、層激至於殺越之變者極涉痛該亦依道

臣狀請科治之意一體分付何如

判付曰崔聖個獄事段邑報道啓殊極纖悉聖個之為此

獄元犯更無可疑業因本曹覆奏已經判付而適當審理

之日取見前後文案則其言愈出愈奇其計欲巧反拙雖

以上言中一條言之其曰設或被打相赫可為正犯者即

此一句便是斷案或者疑之辭也渠不敢直歸相赫於

手犯之科而及本道行查之時又敢一辭推諉者誠極無

狀今此渠以戰亡遺裔異於卑賤之類而父死未葬慙患



相赫始焉里訢

謂呈革於里中

宗會繼以奉毆廷踢種情節皆

非裏麻之人所忍為至於崔益大託以鳴其父之寃乃敢

彰其母之惡筆之於書畧無忌憚傷倫敗義更無餘地童

子何知皆渠指使本事之外又添重罪此不可以尋常論

聖個身乙另飭同推期於輸情

臣謹按崔益大聖個之妾子也聖個之妻曾與韓再起

通奸以此結惡而益大乃以妾子證嫡母奸淫之行傷

倫敗義莫此為甚此聖諭之所以嚴也

首從之別三

兩人共毆護強指弱根由使氣實因被打

平壤民韓世明等殺吳德龍 檢案闕



判付曰初檢官以韓世明康從之兩錄元犯已是失格既  
行覆檢道臣不定推官只令初檢官嚴訊證人及屍親又  
是失格無論營邑其所以不拘常格者可見兩犯之間莫  
適所決是如手人命至重獄體甚嚴初不起疑則已既已起  
疑必須反覆窮詰到底鉤覈然後方決償命之案而所謂  
嚴訊者不過金允京及韓召史之二次刑推而已其招與  
初覆檢招小無所異則道臣忽捨康從之硬定韓世明為  
元犯誠所未曉韓世明乃他邑移接之孤貧者康從之乃  
本土世居之饒富者康中興康中三其兄弟也金允明金  
允京其鄰里也主客貧富之不同彼此扶抑之判異勢所



固然是遣最初起鬧者乃康從之也韓世明之追到也康  
中興康中三阮與之相聞吳德龍金允京輩亦效纓冠之  
義惟彼從之同居一里之內敢稱不見者語不近似理所  
必無康中興初檢之招忽云末弟從之以各居之故未及  
來到是如不問而自吐可見其掩諱不得綻露無餘是遣  
殺獄取招莫緊於看澄元犯決折係其一言凡為看澄者  
雖極愚蠢莫不遷就其辭模糊為說不欲顯言作隻是去  
金允京陵自初至終挺身立澄直驅死地不遺餘力每謂韓世  
明殺設心用意居然可見不喻此金允明官村無事之說韓  
台史三日簇狀之舉吳丰成來問時韓台史之默然無答



究其情節種、可疑是遣里心朴訥應手本以為往問致

死之由則韓召史答云不知被打於誰某而一夜之間遽

變前說單舉韓世明狀者其間委折不問可知是如論

以獄體既如彼叅以獄情又如此年前楊召史上言中數

條誣罔不過為愚迷所致而從之終至脫空世明斷以心

犯七年同推有足干和其在欽恤之道不可以年久而拋

置是如世明乙良姑為傳刑康從之韓召史金允京等段

依前還囚嚴刑得情

臣謹按 御判歷舉疑端 聖鑑明見萬里雖臯陶掌

理神堯服念蔑以加矣鄉村愚氓入為看證莫不遷就



其辭模糊為說不欲顯然作隻而金允京挺身立證直  
驅死地為挾私凌弱之案者尤神明若日月照臨臣  
不勝欽歎之至

首從之別四

兩以共歐護強指弱  
根由督債實因折項

洪川民具時奉等殺朴以同

初檢跋詞曰朴以同屍

體親自按摩仰面

段

七竅出血項頸搖搖執其髮而搖

之若無着絡腎囊左邊鮮紅色一處長七分廣四分柔

軟合面

段

項頸浮高執其髮而搖之若無着絡脊背之

皮肉腐落一處圓圍三尺一寸

木云圍  
圓長

潤七分青黃色

柔軟

是乎

項頸搖搖之外別無要害致命之傷

是遺今



觀諸囚之招以同之死不過頃刻之間若無要害之傷

豈有是理者證人五男奉才之招曰朴善生執以同之

頭髮踢其耳下兩次揮踢仍為致死是如為氣絕仆地

之人無數梓茂項頸折傷理所固然實因段以折項致

死開錄果是在朴善生具時奉正犯之目不出兩人而互

相推諉終不承款乃是手看證兩人中朴奉才段係是具

時奉之姪婿其言雖公有難取信金五男段係是朴二

奉之妻兄本云云使同屍親宜無枉指是如五男招內

具時奉打腮踢臂之時以同不死是如朴善生踢耳曳

髮之後即地殞命則朴善生處被殺明若觀火是遣善



生與時奉五男面質之時雖以死中求生之心赤面相對終不忍指目時奉半吐半吞百般變幻此莫非心動

自恟之致

是乎

具時奉

段

二次打腮一次踢臀渠既自

服而腮與臀皆非要害之處則決無以此致命之理而干犯之律在所難免○評曰大元跋詞之體是論也非記也仰面合面其諸般傷處既載於屍帳目錄又何以再記一遍乎屍帳者題也跋詞者論也歷舉諸傷論其輕重論其緊歇論其主客論其法理可也既記一遍再記一遍非跋詞之體而俗吏之為跋詞者皆犯此病誠可歎也且此實因既定為折項則取招立證宜於折項一



節湊其精神即執其頭髮進退摔曳乃是折項之根因  
今此跋詞先言兩次揮踢仍為致死繼之以論曰氣絕  
仆地之人無數摔曳以致折項由前則折項似由於揮  
踢由後則折項似由於摔曳含糊鶻突無以歸一旦云  
氣絕仆地之人無數摔曳則仆善生摔曳之前以同已  
氣絕而仆地矣既已氣絕而仆地則善生之摔曳不過  
為死僧之習杖烏足為正犯乎由是觀之仆善生犯手  
之前以同已為具時奉所毆踢矣毆踢不猛何以氣絕  
此箇情理都無所論又何故也以覆檢狀觀之時奉主  
也善生客也時奉盤據者也善生孤畸者也時奉受辱



者也善生傍觀者也時奉先打者也善生後犯者也又  
其事根本由於討出炭苞責立婦女此箇事情一無所  
論但云善生折項不亦疎乎設使折項真出善生之手  
如此論斷善生其不伏矣 又按無冤錄屍帳目錄仰  
面合面名色各殊仰面但有領額合面但有項頸欲論  
項頸則論之於合面而已先於仰面徑論項頸之傷可  
乎若其前後之骨皆折則宜言領額之折骨何得名之  
曰項頸乎名不可不正也 又按具時奉之所犯腮也  
臀也視乎屍帳則腎囊有傷處脊背有傷處而腮與臀  
皆空矣然則項頸之傷腎囊之傷脊背之傷都係朴善



生之所為而具時奉者一毫半點脫然無所犯矣天下  
其有是乎曰腮曰臀者本既先犯不可全諱故聊選其  
無傷之部畧自粧撰而已若然朴善生掉曳之前以同  
之氣絕仆地又何故也腮打而無痕臀踢而無痕之  
不成氣已先絕豈不恠哉若夫面質之時半吐半吞  
終不忍指目時奉者此又宜察之情也夫以炭苞之故  
辱及主人之妻由是發憤同聲禦侮則其主客之情重  
可知以若情分同入死地豈忍驅之於正犯乎我本無  
當其地恢濶彼真有犯厥命危急但鳴我冤胡證彼殺  
半吐半吞不忍指目此善生之情也獄官之所矜察宜



在於此云胡不悟惜哉 雖以金五男言之妹夫則已  
死矣時奉則可顧矣鄰里同居黨與頗盛我獨立證驅  
於死地將無怨乎主客之刑於斯可見胡不悟矣

覆檢跋詞曰朴以同屍體對衆檢驗則仰面右缺盆骨  
上邊浮高處柔軟氣噪青黑色柔軟自領額至心坎或  
青或黃白色柔軟而間、皮脫處及脣囊左邊青色一  
處俱非致命之傷是手合面項頸腐傷頭骨動搖故兩

手執髮而搖之則此來彼去惟意所欲似是違骨折項

者是遣看證諸招云朴以同以炭芭不給之故本云云  
炭石

罵之曰出立汝妻時奉不勝憤慨打腮踢臀是如  
孫時奉



之招亦然是遣朴善生段當兩漢相聞之時主客之情

不可坐視起而挽止是如金五男朴奉才之招曰兩人

相聞時善生突出執髮踢項是如時奉善生使之面質

則互相推諉各自面坐是手論以事理朴以同以炭苞

之故言辭不順至曰出立汝妻則時奉憤怒之中不辨

要害毆打揮曳不是異事是手朴善生段置血氣所在

安知無從傍毆打乎諸招云時奉先犯善生後犯是手

既先起聞又先打踢則時奉難免正犯是遣朴善生段

真所謂鄰聞之拔劍難免加刃之律是在實因段以折

項致危開錄為手朴奉才段既為時奉之甥姪婿則不



可為公證故不得取招○評曰覆檢立意差勝於初檢  
然氣噪者喉管也食出入曰咽氣噪之有青黑色檢官  
何以見之屍帳目錄列書食氣噪者或值刃刺之獄鋒  
刃直斷噪於此乎錄之除此以外無所用矣此獄按驗  
稍上則領頰之內骨也稍下則咽喉之外骨也食氣噪  
三字不當舉論設或舉論其色之或青或黑非官之所  
能見此已疎矣論其事情時奉主也善生客也時奉先  
也善生後也正犯之捨乙求甲固所當然而獄體不然  
正犯出於實因實因出於傷處傷處出於手犯手犯明  
而後正犯定矣此不易之理也今此覆檢之案實因則



曰折項打項之所以然則曰善生執髮踢項正犯則曰  
時奉當為正犯天下其有是手其論時奉之行亮則曰  
憤怒之中不辨要害毆打揮曳不啻異事不啻異事者  
億逆之論也古今天下有以不是異事四字成獄斲死  
者乎其論善生之于犯則曰血氣所在安知無從傍毆  
打乎安知無者億逆之論也古今天下有以安知無三  
字成獄斲死者乎今以不是異事斲之為正犯則正犯  
寃矣以安知無手斲之為于犯則于犯寃矣兩犯皆寃  
則朴以同之項骨竟折於誰手乎雖欲以主客辯之而  
項骨為物主亦可折客亦可折雖欲以先後決之而項



骨為物先亦可折後亦可折斯豈足分其黑白而別其雌雄乎謂時奉打腮踢臀與初檢同謂善生曳髮踢項與初檢同獨於正犯則曰時奉為正犯善生為次犯不亦武乎由是觀之事理之平順反不若初檢之無疑也初檢則見理不明全信詞證覆檢則見理差明不發幽隱魯衛之情將無同矣惟朴奉才以姪婿之故不得為公澄斯可曰差極人意

三檢跋詞曰人之骨折生柔死硬是古今此項骨都無著絡俯之則顛抵於膏仰之則腦及於背左之右之隨手枕肩而外無血凝色亦不渝蓋此項骨狀如連珠內



雖違骨外無形見實因

段

以折項致死開錄

為手

觀於

諸人之招朴善生當為正犯

是手

縣監微見抑有不

者若無具時奉之起鬧先毆安有朴善生之從後足踢

乎以同之死雖由於善生之踢

是良

善生之踢亦為時

奉之地則以此以彼宜有首從之別正犯則歸之於具

時奉

是手

獄體至重難以臆斷○評曰三跋之中詞理

小覺然其斷正犯之詞曰以同之死雖由於善生之踢

正犯則歸於時奉此又天下之武斷也覆檢官猶不敢

為此武斷故一則曰不是異事二則曰安知無乎模糊

漫漶潛移正犯雖為失體猶云畏法三檢則直以武斷



硬換正犯大明律不必守也無冤錄不必考也惟以意臆之曰彼為正犯嗟乎惜哉總之此獄殺之者時奉也殺之者時奉則折其項者時奉也折其項者時奉則曳髮而踏其項者亦時奉也特以洪川縣者亂山絕峽之中也無帟之洞狸奴作虎姻婭族戚盤據一村二看澄三切鄰無不為時奉左袒而朴善生以無依之客驚為不虞之離鴻助我者少雖言不立以至此耳初檢之吏素與時奉相熟壅蔽官聰慶亂獄情故初檢官當疑而不疑覆檢官三檢官疑則疑之顧無蔽奸之術或模糊以移案或武斷以反撤雖其所見差明奈詞證不具



何哉若使明者當之但執金五男一人怵之以威喻之以理未有不吐其真情者惜乎其不能也

本道啓曰時奉之打腮踢臀善生之踢耳摔曳慈有先

後之殊而以同之死既在呼吸之間誰緩誰急今所難

知

是白乎矣

大抵時奉主人也善生客也時奉憤立妻之辱

先為犯手善生以主客之情追後把持看證諸招亦皆

明白

是白遣

金五男即終始驅善生於正犯者也始於三

檢之招乃曰時奉終不捨以同之項領

是白遣

且於獄中

教誘善生使以並打之意納招於官庭

是白如

亦不得全

然隱諱推諉於三切隣者極涉可疑

是白手祿

五男者以同



之妻兄也其妹金呂史之招云五男之最初來傳也但

云以同被打於時奉方卧時奉之家矣身問其死生五

男答云雖曰被打豈易死乎終不言命在呼吸又不言

朴善生並力毆打翌日始聞面任發告而知之

是如為白卧手

所五男既自擊善生之踢耳摔曳以同之即刻氣絕何

不急傳於其妹

是白乎喻

人情所在決無是理其間亦似有

甚麼隱情

遣是白

而况五男又與時奉為連婚切親之間

而善生乃一時過去之人其所顧藉當在時奉不在善

生

是白乎

善生既與以同素昧平生本無恩慝以何心腸

為此不關之事毆人而至死乎此不過無知下賤專顧



主人之顏面聊且使氣而解紛也覆檢官三檢官以時

奉為正犯以善生為干犯不無意見是白如手于今四年不

能分揀混置正犯一味加刑既涉疑晦亦久綜核是白手矣

殺獄至重臣不敢輕議是白○評曰觀此落本三檢之

招金五男之隱情真面已和盤托出矣初檢之跋但知

朴奉才之為姪婿不知金五男之為切姻抑何疎也金

五男者間於齊楚笑啼不敢其心以為死者已矣生者

宜顧而已故折項之人汎言被打既死之人諱云方臥

終夜周施計謀既亮猶不傳訃於其妹終使其妹得聞

於風傳其間情節不問可知夫監司者按察之使臣也



職當差官會查及時究覈既得其情乃以上聞夫誰曰  
不可哉不此之為徒以舍疑不決之論上煩天聽不  
知其何故也

首從之別五

兩入共歐護強指弱  
根由使酒實因被踏

信川王士坤等殺林潤已初檢跋詞云今此林潤已

屍身傷處段鼻右一片之傷狀如爪痕肩右一片之瘡

狀如棗葉紫黯微硬是遣其餘仰面合面元無一點一

痕

是如手

惟彼兩片之傷皆非要害之處亦無重傷之痕

因此致命決無是理看澄之抬皆云尋踏肚腹而肚腹

之間終無一點疑似之變動是手李彬等三人之抬皆



云被踏之前大段醉飽被踏之時三次嘔吐

是如為無

寃錄曰凡酒食醉飽者等踏內傷亦可致死其狀難明

其屍別無他故惟口鼻薰門有飲食并糞帶血流出又

曰其屍遍身微紅口眼俱開兼有血出兩手握肚腹脹

今此屍帳所列傷痕如無寃錄所載醉飽被踏之形證

節，符合

是手

林潤已之所以致命居可知矣受傷

三日竟至致斃實因

段

以被踏內傷致死懸錄

是手最

初被告者即金守淡也裴學之告於生前林守采告於

死後而皆云被打不守淡

是如

俄頃之間忽云玉哥同

打及其屍親之納招也忽以士坤歸之正犯乃曰守淡



不為挽解故告之又曰守淡被告則載寧人自可絕露  
是如為手所語不合理顯有扶抑屍親如此看澄何論李彬

等三人酒店女一人同然一詞為守淡分疏是手被踏

之初危急發告者守淡之名也絕命之後袁寃來告者

守淡之名也屍體移置歸罪讎人者守淡之家也其可

以當場變幻之語僉謀符同之說脫守淡於無辜驅士

坤於正犯乎正犯段以金守淡懸錄為手蓋林潤已父

子叔侄金守淡張齊漢李彬李五京等皆是同坊切鄰

之人也惟彼玉士坤獨一載寧人也士坤之終始稱寃

者以為苦主澄人爛漫謀議脫彼多勢之守淡驅此他



邑之孤蹤

是如為  
臥手所

雖以公眼觀之實有扶抑之色

是手  
矣

士坤於此不為無犯故王士坤

段

以干犯懸錄

為手  
屍

親看澄人

段

屢次盤問終不直告嚴覈得情斷不可已

是手

覆檢官以文化縣令請移舉行

覆檢跋詞曰大凡按獄之體實因宜觀傷痕所崇正犯

當以詞澄為主今此林潤已之致死太陽之紫黯皮損

乳間之紫黯微堅膏腫腋臑之暗暈皮損俱合於無冤

錄要害速死條而口鼻血流朕門糞出三吐酒飯兩手

微握肚腹脹滿與法文節

符合

是手

凡酒食醉飽等

踏內傷亦可致死其屍別無他故惟口鼻糞門有飲食



并糞帶血流出又檢式曰凡打著分寸稍大毒氣蓄積

向裏可得一兩日身死凡此三處傷痕有一於此皆可

致命

是手矣

按無冤錄曰凡傷處看幾處皆可致命只指

重要害一處致命身死又曰死人身上有兩痕皆可作

致命須於兩痕中斟酌最重者為致命而今此諸痕皆

由箠踏屍親傳死者之言諸證納目見之供箠踏致命

灼然無疑實因

段

以被箠踏致死懸錄

為手

被告人之

形迹所著既多可疑屍親等之前後異招似有隱情而

王士坤之秉憤箠踏是因下賤之例習金守淡之獨怒

鄰誼專由妻黨之阿護

是如手

目見被打而將死猶自袖



手而不救則逝者先擊之託到死此斷屍親移禍之心  
乘憤激姑捨實犯之士坤先告立視之守淡古所謂  
非鄭之仇乃西子者此之謂也被打之初不料其死姑  
為逞憾之計致命之後思復其讎乃切償命之願遂以  
玉士坤首實者其亦常情之所宜然是遣移屍受屍雖  
曰可疑若主遵死者之意里人售移葬之計猝然昇置  
于守淡之家則主人先已在獄愚婦不免受置其亦理  
勢之所固然是遣潤己之死在守淡就囚之後則守淡  
雖欲周旋間不容髮決難措手是遣守淡之往來林家  
雖若可疑禍色將移恐喝備至則守淡亦何得晏然在



家乎雖自無犯其奔走晷晷亦不足恠是遣至若王士

坤段不但證人之招皆湊士坤抑亦死者之言獨指士

坤論以人理以其父復讐之心傳其子臨死之言其可

曰虛妄乎士坤則少年乘醉而見辱晏然守淡則老少

自別而替人毆打者其果成說乎以孫行而辱祖申遁

詞無理約同往而忽橫走斷案自在凡諸疑端皆出臆

料如彼證招具在目前捨目前同然之招起臆料其然

之疑終非按獄之體故正犯段以王士坤懸錄為手金

守淡段既是被告之人故以于犯懸錄為手屍親裴學

之林守米段被打之招若無搜告斷獄之日豈有疑眩



天下之事變無常凡民之情偽難測嚴加刑訊期於得情斷不可已○評曰正犯之誤摠姑捨是實因之橫議胡至斯也凡屍帳傷痕久則彌著初檢之所未顯而藏於覆檢者亦固有之然太陽穴一也乳間二也膏臆臑臑三也三處之傷其在初檢都無影響有是理乎初檢之鼻右一片肩右一片雖非重傷其在覆檢都無影響有是理乎立意一誤惟以相反為主斯豈至公極平之心乎且此三處雖係要害速死之處既不骨損又不肉絕亦不皮破則非致命之傷也既非致命之傷則其部位之要害速死何足言哉網中繫速則痕著太陽之穴



將亦以其要害速死之處而慮其致命乎屍體日久則  
乳膏諸處自然色變其云紫黯暗暈者安知非尋常  
變動乎夫既以要害速死之傷執此三痕則酒食醉飽  
又何論也初檢則屍帳無要害速死之傷故不得已而  
為醉飽內傷之論於此審克之義固所宜然覆檢則要  
害速死之傷既至三處又何云醉飽內傷乎始欲立異  
以著新奇之見却看初檢難捨的確之論於是執餅於  
兩手跨馬於兩跨拖泥帶水和糠雜米首尾不相應矛  
盾不相用議獄之誤未有甚於是者也口鼻血流朕門  
熏出者屍帳之形證也三吐酒飯者鄰保之招辭也忽



於形證歷論之文鉅此酒飯三吐之說其示荒雜極矣  
且引無冤錄謂傷處雖多但執一處兩痕雖著但執一  
痕意謂此下必副此言或膏乳脊捨而單執太陽或乳  
額俱放而專執膏臍厥理既明其言乃副今也不然惟  
以箠踏二字漫然結局所謂箠踏者太陽之箠踏手乳  
間之箠踏手抑膏臍臑臑之箠踏手膏臍臑臑亦本兩  
處則所傷者四處其謂之三處者已鵠突矣然且箠者  
搗也踏者踐也本是兩樣不是一事設使犯人亦箠亦  
踏理宜查覈明認甚處被箠甚處被踏然後擇其重者  
書曰被箠或曰被踏此其所謂無冤錄法例也通執四



處之傷混胃兩樣之名宣無冤錄法文哉打踢兩被者  
不當曰被打踢致死縛刺兩被者不當曰被縛刺致死  
則箠踏兩被者宣獨曰被箠踏致死乎如此檢杖舊所  
未聞至若正犯之撫定亦見私意之橫流玉士坤者金  
守淡之妻族也鄰誼雖厚妻愛宜深不犯足矣何望救  
乎誠使守淡能於此聞袖手傍觀則為潤已者當感德  
之不暇何至於切齒腐心到死而斲乎人情一也殺  
我者可憎乎不救我者可憎乎浮客之殺我者赦之不  
應鄰老之不救我者舍之次骨有是理乎方其被打之  
初守淡無一言就獄又何故也著枷之時必入官庭胡



不曰打者士坤我則不救乎愚婦受屍誠如所論里人  
移屍豈有是理凡鄉村移屍之法必僉議具同衆刀相  
合乃移之也逝者臨死之言苦主或當誤遵鄰人必不  
咸順為死者非理之憾陷鄰居宜敬之老移此不潔之  
物驅諸必死之科萬一非鄉村之本習三尺之童所不  
肯信凡言之折可以無疑此必覆檢刑吏多受賂物欺  
罔其官以至此耳嗟乎冤哉玉也嗟乎冤哉玉也

查官報狀曰屍親諸人同然一詞夫以死者之父傳亡  
子之言而以為吾死由於玉哥之等踏則論以人理不  
可謂虛妄

不分

不倫

賴手之爪痕莫掩相聞之迹中途之改



路可見自恟之情玉士坤段正犯懸錄金守淡段干犯

懸錄為乎屍親等更加嚴刑以為懲勵之地全篇與眾檢狀如印

一板今刑之之○評曰此獄初檢以內傷為實因覆檢以箠踏

為實因初檢二片之傷覆檢三處之傷其微重不同其

部位各殊判若兩屍全不相合其正犯之為甲為乙姑

捨勿言而實因之曰內曰外尚未歸一本當三檢不可

行查而止也若使覆檢之題少能明核指其疵而議其

誤則查官之報必不如此在下者混沌未鑿在上者華

胥未覺遂使眾奸同聲孤冤莫暴豈不惜哉又凡檢

狀之所謂某甲為正犯懸錄某乙為干犯懸錄云者謂



於屍帳目錄之下錄之如是也跋詞之再言懸錄者謂

某甲正犯如此故暴也錄之為正犯某乙幫助如此故

暴也錄之為干犯皆追說其所以然非謂錄之於今跋

也查官既不行檢又何云懸錄乎

懸字本是東方吏文今無寔錄本文中有

用懸字者此是東人改攢非本文也今姑依之但當云某甲之為正犯更無可

疑某乙之為次犯在所難免而已即此懸錄二字其蒙

於獄體亦可推知區、格例之末猶然做錯尚何望其

發隱而伸枉哉嗚呼惜哉

判付曰初檢則以金守淡為正犯覆檢則以玉士坤為正

犯金雖自鳴玉豈俱焚大抵償命之法先論其有情無情



而已罷場歸路：上相逢此亦醉漢彼亦醉漢偶然相詰

畢竟致命

是如

况素昧之間應無宿憾語次之失豈欲

必殺且李彬等深夜傳衣之時只曰言詰而已則是可見

被打之不至甚重

是

遣醉飽內傷自是必死之症而三次

嘔吐酒飯狼籍前後諸招如出一口

分此除良

士坤之適際犯

手潤已之邂逅致命兩各不同

是置

跡涉可疑情則可恕

道臣傳生之論儘有意見士坤身乙

嚴刑一次定配檢官

推考

臣

謹按金守淡之不令追究者

聖意蓋云醉飽致死

者無論甲乙都不必償命也然其錯誤有罪故檢官推



考也

欽  
欽  
新  
書



欽欽新書卷之十四

冽水 丁鏞 輯

祥刑追議二

首從之別六

兩人共毆一勒一踢  
根由使氣實因被踢

長湍民高之方殺崔元世

檢案闕

判付曰曾因本道錄啓拈出八條疑端至於元犯據定

如是

乎自上判決之後邑查道狀從而曰是畢竟龍孫則刑放  
之方則仍推首從已分牢不可破而朝家之意疑晦多端  
未嘗自信業欲一番徐究是置此獄元犯不出兩漢而之  
方主人也龍孫從人也謀事之誤至於移怒則之方憤恨



固當倍於龍孫而鄰閭拔劍自是常習賊反荷杖亦有古

諺况祿纒祿加誨責軌又盛氣則半夜虐行固有歸咎之心

片言起鬧豈無相關之理不可以主客之判專歸之於之

方是遣且云龍孫緊踢元犯蹲坐切姻之招雖不足信隱是

乃龍孫前後招中踢打一款終不發明則之方之不手犯

足可推知是祿元世落留之方為主則既來旋去固無足

恠及其曰死之後同行諸人蒼黃驚訝事當一齊往觀而

占突太位之等先送龍孫又何緣故是隱此必元世之死

由於龍孫之踢故首送起鬧之人使自當之也龍孫之最

初輸款於此可見又若以之方之中路逃躲多年藏跡為



渠斲案則奉伊之攜手同歸亦將以此而擬議元犯耶或  
謂龍孫若是元犯沒無傳訃之理而躬往傳訃欲掩其跡  
者亦復何限且占突太位在之方雖是親戚而龍孫同囚  
之方在逃則寔獄之顏情既熟捕來之頭面無期除非道  
義之交骨肉之親何不一辭諉之於之方而前後九年挺  
身證龍孫一人乎大抵蹴踏者龍孫也勒縊者之方也當  
初事端雖是造謀之人末稍殺死非渠獨知之事而之方  
作伴數人相與運屍則龍孫之為元犯有異議乎第當就  
捕之後言之粧撰節、隱諱並與落留一節而直諉於龍  
孫渠之斲案渠所自判三尺之律有何容惜而求生必死



意出慎獄舍舊從新貴在平心以情以跡既不十分明的  
徒執一二疑端強定首從朝家寧忍為是今此起疑非曰  
之方可生龍孫可殺也亦非曰昔日言非而今日言是也  
鄭重難慎訝惑滋甚分付該道別定剛明官反覆窮詰具  
意見狀聞

臣謹按先朝每遇首從未分之案必先執其情輕者  
原情酌處日月稍久又執其情重者復設疑端畢竟使  
兩人皆活此好生之微權也故方其釋甲之時乙似情  
重及至釋乙之時甲似情重此非權衡尺度有異於前  
日乃其獄情本自有疑疑則惑之惑則兩之此聖人所



以斷疑獄之法也嗚呼至矣

首從之別七

兩人共毆一椎一踢  
根由使氣案因被踢

長髻民張小斤等殺李孟三

檢案闕

判付曰元犯雖曰歸一詞案多有疑貳蓋首先下手者汗  
良而從後助鬪者小斤也木椎打額者汗良而足趾踢脅  
者小斤也被打此踢既有先後之別木椎足趾又有輕重  
之殊不喻此額顙脅肋俱係要害致命之處而一則血癢堅  
硬一則微青柔軟即此一歎可辨被踢之緊歇是去特以  
踢處最痛之說即地顙仆之事作為小斤之斷案者果能  
十分的當是乙當孟三起鬪之時既被汗良之椎打又受



小斤之足踢渾身上下無處不傷則蠻觸鬪鬪之場精神  
昏錯之中一打一踢孰緊孰歇其何以箇之知得况其將  
死迷亂之言又豈可全然取信乎且相持共扶之說既有  
必三之口招復起更鬪之狀又有江牙之目睹則互相縛  
擊或顛或仆固非異事且一番被踢果若昏窒豈復有更  
鬪之氣乎元犯區別專係傷處輕重而今見前後文案參  
以彼此事情不無一二疑晦之端更令道臣親執詳查狀  
聞為祿木椎一節係是此獄肯綮而屍親初檢之招不曾  
族說是也及其覆檢始乃提出者亦涉可疑是去一番推  
招之後更不鉤覈其隱情是遣賢阜被錫緊出諸招則顛



門紅氣之有無。不當檢視而前後檢狀。一不舉論。以此以彼。大是踈漏。當該初檢官推考。

臣謹按無冤錄曰。如死人身上有兩痕。皆可致命。此兩痕。若是一人下手。則無害。若是兩人。則一人償命。一人不償命。預於兩痕中斟酌最重者為致命。今此孟三之傷。在於額顱脅肋。是兩痕皆可致命者也。推打額顱者。汗良。而其形血瘡堅硬。足踢脅肋者。小斤。而其色微青。柔軟。則小斤。當為次犯。然檢案似有腎臍被踢之說。又不知其何人所犯也。

首從之別八

兩人共毆一觸一踢  
根由使氣實因被觸



海南民金貴千等殺李太世 檢案闕

判付曰德興起鬧於前貴千逞憤於後下手輕重雖難辨  
別貴萬同伴也宜有隱情而莫能掩貴千許女店主也自  
是公眼而必欲捨德興兩因一辭不謀而同貴千德興之  
為首為從斷無可疑德興雖斃貴千一人尚在地上則遽  
議傳輕初非可疑而今觀曹啓更考文案德興起鬧之時  
足踢已加貴千逞憤之時頭膝並觸踢使一肢觸用兩物  
以一較兩此輕彼重除分此良頭膝鈍而緩手足銳而猛前後  
殺戮被踢死者十居八九被觸死者百僅一二則太世之  
致傷要知不案於德興之踢而必案於貴千之觸乎人之



肉搏也互相翻轉勢如聞鷄在傍觀者奚暇屈指計幾次  
踢幾次觸乎貴萬許女之丁寧立澄曰三曰二曰一再者  
反不免滋惑且太世臨死時京之濟之說檢官以聞毆  
打撲分屬而死者至願惟在報讐又安知非先數京之緊  
重次及濟之輕歟乎罪疑惟輕自有經訓而一人致死二  
人償命殊非審克之道曹啓既盡論列朝家不必靳持貴  
乎乙加刑減死遠地定配

臣謹按肉搏之聞以手曰打以脚曰踢以頭曰觸以膝  
曰筭又曰踏以足打而死多在頭腦踢而死多在腎囊觸而  
死筭而死多在膏肓而檢案粗疎總名曰打或謂之踢



其觸其等多不分別今此貴千之案亦以頭膝所傷並  
謂之被觸可疑也膝之觸人其勢不便又按京、濟  
濟者德興係京城人貴千係濟州人

首從之別九

兩人同犯一奸一助  
根由奸淫實因被刺

晉州民金順千殺朴召史初檢跋詞曰今此朴召史

屍身仰面則肩胛之左一處被刺合面則脊背之左三

處被刺其斜長圓圍則肩孔三寸背之中孔六寸深各

一寸而小按皆血出如湧

是手親其手勢仰面則自上

向下合面則自左向右

是手拒塞之初當面受刺故其

傷止於一處被刺之後向壁而坐故其傷止於三處

是手



祢行亮器仗乃是大鎚而往姦之初非有手携格鬪之

時猝然探執藉寇之兵反害夫子乙實因段以被刺

致死懸錄

祢手

哀此朴女半夜獨宿被人劫迫急手亂

刺命在頃刻而一縷未絕憤氣山聳趕逐亮身未及門

扉一聲縋出四體投地之相去三十五步古所謂殊

而走者此之謂乎金順千李采孫互相推諉難分首從

是乎論以常理順千卽十六歲編髮之兒也身短體弱

毛羽未成劫奸婦女刺殺人命非所擬也采孫則年已

壯矣力方強矣苟有情跡何以辭矣然而鄰保諸招皆

著順千

是如

鄉父子而不辭移屍身而恭受若無所犯



豈有是也寃身之走死也連聲而呼曰順千殺我其母  
之取火也率口而族曰順千可殺斯豈非斷案乎胡奴  
之子雖不舉名胡奴子者幼而無行之稱也此聲此名  
幼者當之乎長者當之乎徐女之所濯衫袴血痕猶在  
而為親者諱乃云軀血適出其誰信之藏於篋中迫而  
後出斯豈非真贓乎及其就捕之日渠亦自言曰謂我  
殺人我當就死

是也

可也

一夜之間巧思忽萌而采孫二字

始出於順千之口矣一室謀議白地構陷豈不踈哉彼  
采孫者厚世之雇工厚世者順千之親兄也一生傭賃  
四顧無親若有所犯何所顧藉而歷審諸招無一劉著



是乎

順千則父母俱存兄弟六人家且不貪確於一村

今此看證之人若非切姻乃是親嫂誠之不可掩如此

矣及其兩人之面質也采孫則蠢愚拙訥無所辨明有

若尊卑若抗而辭色自然有餘順千則姦氣毒敵難以

假笑專以驅迫為事而語言都無倫脊且其瞻視邪厲

容貞峭悍宜乎成童之年作此殺人之變乙仍正犯段

以金順千懸錄為手李采孫段置隨從於奸淫之行幫

助於刺殺之時加功之律何以違矣以干把懸錄為手

徐女金女段雖在嫂叔之間既是緊證不得不取招是

祿震檢官段以泗川縣監移文請來案此即乾隆辛



夏八月二日先者在晉州時所檢報也

巡營題詞曰惟彼狂也之童方以壯芳之年纔免乳臭便生淫欲年齒不計敢有奸騙之計逼迫未遂終至殺

越之愛莫曰暮夜之無知可見自作之難逭是如至若

推諉之計所謂兒童之見兩檢狀論斷反眾詳盡無容

更疑元犯之律渠安得免李采孫段再次隨行亦難免

干犯縣監同推官差定是去約月會推為罪人結案之

前先捧根脚大違格例粟檢刑吏附過之意枚移施行

為孫行亮鑰子還下送按凡檢案題辭著于覆檢之

官則覆檢刑吏附過非枚移之事也小誤



首從之別十

父子同犯子救母難  
根由索債實因被踢

信川民崔辰岳殺金興大

初檢跋詞曰今此金興大

屍身仰面

段

肚腹上左邊有皮脫色紫處又其左有皮

損處狀如爪痕者二處左脅之下腎穴之側有青赤色

血痕一處圓圍四寸八分按之微堅合面

段

左肘肘有

皮損紫色按之柔軟狀如半豆者二處右肘肘有皮損

青黑浮高微堅狀如半菽者二處其他兩缺盆兩肩胛

兩脇膊諸處痕雖不見色或紫赤者不可枚舉此或被

蹴踏內傷毒氣隱熱而然

是乎

無冤錄有曰凡喫酒食

醉飽被蹴踏內傷亦可致死

是如為  
臥乎所

諸處傷痕雖難執



定至於肚腹上左邊及左脅下腎穴俱是要害必死之

處是遣死者臨死之言曰崔辰岳再蹴我肚腹再蹴我

腎穴重言復言至死不已

是乎等以實因

段以被踢致死懸

錄

為乎

當初事端起於崔媼

即辰岳之母也

始也言責終焉格

鬪則為斗天者

即辰岳之父

事當撓解之不暇而怒其妻之

被毆執興大而結縛乃云興大自來就縛不亦詐乎興

大少年也斗天老物也力不相敵怒方層激拱手就縛

有是理乎鹿子蔭弟恃老督當誠極巧惡

是乎

渠既自

服勢必并力則先下手者斗天也斗天

段

以被告懸錄

為乎

崔辰岳

段

設如渠言興大被縛之後自外入來

是良



置見其母之被毆昏仆為人子而袖手旁觀有是理乎

未縛之前雖不手犯已縛之後必有足踢以正犯懸錄

為手 崔斗哲陵 雖曰初不干預死者之言阮曰并刃結

縛則加功之罪烏得免乎以干連懸錄為手 ○評曰凡

檢案實因之法傷處不明乃求內傷所謂醉飽被蹴踏

內傷者此之謂也今此屍身腎穴之側明有四寸八分

之傷痕又何因醉飽內傷之文也此一誤也肚腹雖重

既有腎穴之傷則不可雙舉今以肚腹腎穴兩騎作說

此二誤也蹴踏者以足心而蹂躪也踢也者舉脚尖而

趺觸也引法文於蹴踏定實因於被踢此三誤也若主



告甲而印官執乙則誦甲曰被告法也今告主本告辰  
岳印官但依其言又何以崔斗天為被告此四誤也若  
主訴其有罪其人全無所犯斯之謂被告也今云斗天  
首先下手終又并力而不云于犯儼稱被告此五誤也  
崔斗哲既云并力又云加力則此亦于犯何以謂之于  
連也手脚有犯者謂之于犯詞證相連者謂之于連曾  
是不辨何以官矣此六誤也一檢之間六誤俱發而及  
見營題順且無事噫將若之何

覆檢跋詞曰兩處傷痕分寸若是濶大俱係連死必死

之處

勝上一處傷痕與初檢大同一處實因段以被踢致死懸



錄

為手

若論正犯不出三崔之中而斗天則曰結縛而

乙辰岳則曰初不犯手

乃是手

死者之言丁寧苦主之招

明白而指一償命惟在辰岳則雖欲疑難其可得手正

犯

段

以崔辰岳懸錄

為手

崔斗天

段

苦招既云結縛之

初首先踢打其左臂而肘上傷痕明白如此結縛一

款渠亦自服

是手

以被告懸錄

為手

崔斗哲

段

同力結

縛一詞牢諱情狀巧惡在兩嚴治

是手

大抵事端本起

於石魚價之推索而崔嫗被毆昏仆不省人事則為人

子者其可束手立視毫無兩犯乎辰岳之乘憤踢打勢

所必至渠雖黷明不足取信

是手

○評曰其論理處差



勝於初檢其去誤處無異於同浴始若滕薛爭長終焉  
魯衛同政檢案之難一至是乎

巡警題詞曰以其父衰老之氣猶尚盡力縛束見其母  
被打之狀寧忍袖手傍觀為人子泄忿之心毆之踢之  
勢所必至斗天之必欲自己擔當固出於慈愛之情辰  
岳之隱然歸於結縛不至於傷倫之科乎第一獄才成  
子為正犯父為被告叔為干犯殊非所以敦風教之意  
亦有欠於重獄體之道斗天斗哲特為保放○評曰父  
為被告叔為干連者殺獄之常事也其在風教毫無所  
傷惟是不被告而名曰被告非干連而書曰干連大違



法例不此之疵但放其父欲教風教吾斯之不可知也  
○議曰大典云其父母被人毆打而其子毆其人致死  
者減死之配此獄宜先執崔媼活檢傷處其被毆打如  
果真的宜議原減而檢報營判都與此語何其疎矣惟  
辰岳極口發明不念罪歸於其父法當嚴刑以懲其頑

首從之別十一

母子相犯  
母鍾子踢  
根由奸淫實因被踢

文化民裴弘績殺裴學大初檢驗詞曰裴學大屍首  
其頂心尾角之血瘡膏腫小腹之血暈俱係必死之處  
最是心坎左邊血瘡色紫黑處係是速死之處也以此  
致命之傷正當速死之處則其當下致死無容更議  
此



不其傷處不斜長而方圓

此誤用也法云方圓者猶言周圍

則明非他

故乃是足踢故實因被踢致死開錄

為乎

諸人之招皆

云弘績及弘績之母李召史弘績之叔母李召史同力

毆打

是乎

苑親及裴德順裴學聖之招皆云弘績先出

毆打

是如

鄭相燁之招云弘績或踢或蹴踏

是如足踢

非婦人所為故元杞

毆

以裴弘績執定

為乎

裴學大潛

奸弘績之從嫂而德建執職而恐喝學大託取而肆辱

遂成一場大鬧乃弘績叔母舍其交奸之宿憾遂以老

殘而族惡若弘績之女性行悍惡氣骨勁健乘其腐食

之心奮以鉀打之力其毆打最毒

是乎

致命之傷實因



被踢則弘績自歸元犯故其母李台史段以子犯開錄  
為違

推官論報曰裴學大阮奸同宗之婦在律應死之人也  
果令淫婦之夫厚績奸而親獲登時殺死則宜在勿論  
之科是手既不登時又非奸而其所殺死者皆非本  
夫故至於成獄是手視其實因則數次足踢之痕較深  
於其母之手打論以傷處則無數致命之傷反多於其  
子之足踢此正律文所謂同謀共毆而莫知誰是下手  
重者也然而實因不可並錄元犯不可兩定母子之間  
實難彼此細加點檢極費較量畢竟以弘績執為正犯



乃是乎若論犯人之情實則弘績特一幼駭殘劣僅具人

形之物目見其母之合戰揮執髻子

本文云  
上土

一脚踢去

而適中要害

是遣

其母李召史則悍惡之性發於面目

勁健之氣勝於男子當初之搆釁末流之行兇都出於

此手故其夫莫掩其以鉤亂打諸犯皆證其所毆尤猛

天道至公自作難違二次刑推嫂死獄中而弘績獨存

若拘常法又殺弘績則是殺一當死之人償二可疑之

命實非聖王制法之本意無冤錄曰聚眾打人最難定

致命痕如死人身上有兩痕而皆可作致命若是兩人

則一人償命一人不償命此條最宜審照○評曰大明



律凡姦同宗無服之親及無服之親妻者各杖一百而  
已和奸而有夫者杖九十惟強奸者絞推官今以為應  
死之人者法雖如此其情可死也昔余在西邑有武人  
金履信者和姦其九寸叔母至於生雛一鄉舉狀咸願  
打殺監司題判亦令打殺余考法律如上是以持難亦  
不敢形言法律屢施刑棍准令瘦於獄中亦頑不死心  
甚苦之余有歸趙判書德潤代余知府恠之曰此漢胡  
不殺上官之初即殺之

判付曰裴弘績獄事段語其親則候過十寸論其情則近  
住一里謗起行露事開傷風獄情之慘妻姑捨是人倫之



歎敗當如何况三人并力一時逞憤乃因放豕之辱欲雪  
奔鶉之恥以至鉅柄折矣按揭裂矣若毋若子若叔若侄  
首從無別踢死踏死打死摔死實因不明為此淫穢之跡  
斷彼疑晦之案有非朝家恤囚之意是如道臣跋詞中同  
囚並推其毋先斃今若復置其子於法則便是一獄二償  
命云者儘有意見而卿曹覆答以弘績之專事掉脫隱然  
歸罪於其母有所論列此則誠然矣一獄兩犯在所當恤  
傷倫敗俗尤屬嚴重弘績降減死定配為乎令道臣嚴刑  
準三次戮配

臣謹按周禮曰殺人而義者令勿讎既令勿讎則非常



死非當死而殺之即非王法雖使弘績母子俱存猶當  
兩釋况母已死乎至若弘績之事專事掉脫歸罪其母此  
於本事之外別一罪案然愚賤之民不知義理謂母既  
死歸罪無傷此與母生而歸罪者慈有間焉特法官難  
於形言耳弘績本應全釋其所以至於減死定配而又  
令準三次嚴刑者 聖意在是也

首從之別十二

叔侄同犯一死一釋  
根由奸淫實因被打

楊州民金守賢叔侄殺朴台史 槍案闕

判付曰大抵朴台史狹妖巫狐媚之術招淫女鵲奔之行  
昨日誘守賢之妻今日誘占實之婦作為紹介長弟遁逃



則為守贅占突者豈不欲一拳打破少減其憤乎死者蓋  
自取生者固不幸耳第其一案兩犯再檢三推而渠等乃  
處猶父猶子之間互諉曰從曰首之目守贅謂占突先縛  
占突為守贅先犯獄情姑捨是人理果安在然占突之手  
杖擊腰渠既無辭自服人亦有目皆睹分此除良考諸屍帳傷  
痕亦皆吻合則道狀曹啓之以占突為正犯無容更議占  
突當坐償命之律守贅自歸減等之科而占突徑斃雖屬  
失刑守贅係實涉無義守贅身乙令該道酌沒為有諸  
道賑事未了且與元犯之減死有間定配乙良收贖為良

如教



臣謹按命無兩償而犯無一執於斯之際一因先死則  
法官論理自應歸重於死者乃可從輕於生者俾不兩  
償此道落曹啓之所以有契於聖心也

首從之別十三

叔侄共犯一宿一因  
緣由使氣實因被打

湖西民李景基叔侄殺金順必本道啓曰大元成獄  
之法專以傷處為重以言乎肥肉則有堅而無柔以言  
乎長廣則有刺而無縮於理宜然是日今此檢狀膏腫  
則初檢之微硬者覆檢而為柔軟三檢而復為堅硬脊  
背則初檢之為柔軟者覆檢而為微堅三檢而復為柔  
軟臍肚則或堅或柔於初覆之檢而三檢不言臍肚腎



囊則堅硬微硬於初覆之檢而三檢不言柔硬是白金

骨之傷則初檢之長五寸者覆檢而為四寸三檢而為

三寸二分脊背之傷則初檢之長四寸五分者覆檢而

為五寸三檢而復為四寸五分驟而論之雖若檢狀之

疎忽反覆究之恐由傷處之不明似柔似硬按摩難分

若短若長斟量不得故變幻如是也若論事情惟彼命

鉦慘被鄰氓之詬辱乃此景基無恠以任而禦侮第其

下手之時亦安知不與命鉦同犯乎扶執揮擲之際或

觸於手勢或撲於地面已自有多少傷處是白屍親之

招曰被打後赤血上吐下注而考諸屍帳則口吻穀道



中血痕無所開錄此非可恠之甚乎參證之招雖曰分明揆以獄體只當先之以實因次之以證招今若以有疑之實因斷之以無疑難信之證招歸之於可信有欠審克之義是白如手順必當七十之年夏畦在烈陽之中盡力相關安得無傷其所謂上吐下注無乃以泄瀉之證捏合於瘀血之案是白如喻叔侄並囚首從莫辨是白如可命鉅畢竟為從既配旋宥景基終歸正犯八年刑訊當此欽恤之日恐合惟輕之典是白如齊○評曰亦安知不四字不足以斷案必欲傳生有此舞文亦非法也然全篇論理老鍊有理



首從之別十四

兄弟同犯一因一故  
根由使酒實因被踢

安岳民金大紅兄弟殺文相中覆檢跋詞曰今此文

相中屍體依例檢驗

是手

則已經五日遍體腐爛滿腹

膨脹肉色或黑或紫炮皮間落間起實難辨認

是手

右

脅下膀上血瘡色紫處左脅下膀上皮損成暈處顯與

簇癢肉色不同

是手

大腸突出大異常例且以各人招

辭觀之文相中為金大紅

本文作大  
隱簇江

所踢即時昏倒歸

家苦痛翌日致死則足踢之勢內傷臟腑仍以速死明

白無疑

于乙仍

實因

隱

以踢傷致死開錄

本文作  
懸錄

元告之

招以為大紅兄弟同力毆打

是手乃

為

始聞先犯脚踢昏



倒既是大紅之所為元犯段以金大紅開錄為乎原初

大紅醉中發怒於姑夫文贅徵之見辱踢倒如此不但

元告之招明白有據抑亦小紅之招隱諱不得是去其

所納招惶怖虛說全不成說乃反諉之於文贅徵以為

死中求生之計而所引證人與之頭面箇落空觀其

所為萬痛該若不各別嚴刑難以取服是乎金小紅

段本文作既以其兄為正犯則同力毆打之說無他叅

證事涉疑晦是乎獄體重大不可以自明之辯遽從惟

輕之典是乎文贅徵段初起爭端末乃避去則相關委

折勢必詳知是乎終始隱諱吞吐不盡極為巧惡嚴刑



得情未知何如

巡警題詞曰初檢實因以被踢懸錄覆檢實因以踢傷  
懸錄雖有下字之稍異其為踢殺則一也刪○評曰闕  
政之踢其實因當曰被踢過誤之踢其實因當曰踢傷  
覆檢之改稱踢傷本自無義假如有人昏夜逐盜意欲  
踢盜誤踢其雇奴其實因謂之踢傷或似無妨然書曰  
被踢而歸之過誤亦無不可

判付曰此獄與湖西邵昌務昌賢等獄事大同而小異

是如

手邵哥則伯仲之間難辨首從多年推闕竟皆傳生至於  
此獄下手輕重姑且舍是并力與否理宜按問大抵兄弟



并力之說屍親諸招前後矛盾尚無歸宿初檢傷處則在

於脅下跨上而其母俞女之招以為大紅踢膏臍小紅蹴

而踏是如其弟文憲長之招以為大紅踢右脅小紅蹴踏

脊背是如覆檢傷處則莖物浮脹腎囊浮高腹部膨脹腸

子突出而其他脅下跨上等血瘡處長廣分寸此初檢判

異分此喻俞女之招以為大紅踢脅肋小紅踢以踏是如文

憲長之招以為大紅踢脅肋毆脊背小紅亦毆脊背是如

果執此究之兩人之分明并力槩可知已至於下手之輕

重設令小紅不及於大紅詳覈之後始可分明首從是去

道伯初不詳查數次同推遽定元犯一放一囚殊非明慎



之方所謂小紅更為捉來嚴問應問各人一體取招稍俟  
疑端歸一獄體究竟從後沒折不至為晚以此分付道臣  
為祿祿農民滯囚可問于連諸人受供後即為放送亦不必  
上營會查令同推官會查牒報後杖舉狀聞

臣謹按大紅之為首小紅之為從 聖照非不下燭而  
下諭如是者將以兩活之也將以兩活之故兩執之也  
又按于連諸人不全上營又令即放者慮妨農也民  
間幽隱之情洞屬其如此矣 臣首存西邑叅查松禾姜  
文行獄事其應問諸人若隣保鄉甲之屬閱月滯囚於  
營獄承 命再查又將仍囚 臣議即縱遣道臣以啓下



罪人難於擅放持疑不決臣勸而縱之今見此判聖

意於此本自軫念無微不至臣無任欽歎之至

首從之別十五兄弟共犯兄弟有第悅  
根由奸淫實同被打

唐津民邵昌務兄弟殺梁命石檢案闕

判付曰唐津縣殺獄罪人邵昌務獄事段變出姻婭犯在

第昆訊推已過十年查案不啻屢次暴因審理之日乃有

揆定之舉是如到今獄案已具不必續輕議而昌務之

拳踢幸痛其妻不識也棒打嘔血阿奴亦言之未知被踢

垂死之證因其棒打而添篋乎抑亦喫棒待盡之命案於

拳踢而刺引乎執此朱殷之迹斷以殺越之案道落如彼



其詳盡曹讞若是其的確然朝家以為揆諸十分審克之道不無七分疑悔之端是遣且昌務之供以其兄昌賢之生出獄門為萬幸而渠之生死今不足恤即此可見其不泯者存况<sub>祿</sub>止竄不旋踵南囚又屬耳屢施桁楊久滯縲絏足懲其罪之萬一<sub>除分比良</sub>藉使昌務明是正犯昌賢既如是共犯則昌賢生而昌務死亦有違於家人共犯只坐尊長之律例由前由後付之惟輕決知其為踈鬱導和之一端昌務身<sub>乙</sub>加刑一次定配

<sub>臣</sub>謹按先朝好生之德每於兩犯之案揆其正犯既揆之後其以次犯升為正犯者亦蒙酌處畢竟兩活而



後已此默運之微權也邵昌務先以次犯族配施以正  
犯還因此天下之逆境也聖人於此默觀其所為若  
使昌務切然訴其寃縶然辨其實則真不免死持  
以感恩知德有兄弟爭死之意故處之如此凡在縲  
紲者宜知此義

首從之別十六

兄弟同犯互相推落  
根由使氣實因被蹴

大立民徐膺福兄弟殺崔允德初檢跋詞曰今此崔  
允德屍身其傷處之足為致命者三一則自頭至頂一  
色堅硬髮際皮膈拍如鼓響此是摔曳之際皮腦相離  
項頸牽引故浮氣外脹此足為致命之崇是手一則腎



囊之青里堅硬浮腫如龜此係要害速死之處亦足為

致命之案

是手

一則心坎上血暈一處圓圍至不九寸

當中紫黑處按之堅硬此亦為致命之案

是手

三者之

中必執其極分明至端的者執為實因然後可無疑晦

是如

心坎上血暈正為此獄之實因

是在

被告入膺福

之招命骨上足踢之說雖欲推諉於其弟仍是自吐其

行兇

是手

以痕而言明是蹴傷

乙仍

實因

段

以被蹴致

命開錄

為手

膺福兄也膺海弟也既與同犯互相推諉

兄謂弟殺弟謂兄殺此人倫之大變也膺海之檢前逃

避雖有形迹之疑膺福之自初起鬧終有荷曳之舉屍



親之所指諸招之所引皆歸於膺福一人不喻證人崔

思德招云但見膺福之足蹴不見膺海之手犯是如為

諸弟諸子一時助勢或毆或蹴眾人同犯設使膺海亦

有所犯是良隨其指使自有首從是手正犯段以徐膺

福填書為手膺海段置急於自脫甘心證兄謂其兄實

合償命視其色少無惻怛天倫人理到此滅絕獄情之

外殺之無惜是手其餘子侄等三人皆云同叅於相關

是手以子證父以侄證叔在法不可故初不發問○評

曰開列三傷擇執其一此固斷獄之法然其部位之輕

重傷損之深淺部析明白然後乃為結局今無故無憑



忽云心坎為實因豈不踈乎論其部位則頭腦也腎囊也心坎也皆係極重然頭腦是必死之處心腎乃速死之處速死重於必死則頭腦之不執固有據矣腎囊青硬其形如瓠獨不可以致命乎法曰面青黑皮破肉綻為致命之傷今此心腎二處肉色之青黑皆同皮肉之不破皆同則其傷痕之淺深亦無彼此何必曰心坎是實因乎若其致命由於腎囊則顙門必有簇紅簇紅有無又何不提說乎且曰蹴白踢先於心腎二處各有所被則既以心坎為正傷斯以被蹴為實因可也今心腎二處都無蹴傷之今其必以心坎之故謂之被蹴抑何



慙也此皆檢狀之極疎漏處總之蹴字之義誰其詳

知乎說文曰蹴蹋也趙岐註孟子云蹴蹋也孟子云蹴

祖述聞荒鷄聲蹴起劉琨杜甫詩曰燕蹴飛花又曰高

浪蹴天又曰蹴踏寒山劉子翬詩曰馬蹴浮埃詳此諸

文或似踐踏或似足挑惟蹴鞠之戲兩人對踢謂之曰

打三人角踢謂之官踢一人之單使脚謂之挑踢既以

激物騰空而謂之蹴鞠則明是足挑曰蹴也然則按獄

者凡遇躡蹠而死者當曰被踏凡遇脚打而死者當曰

被踢別嫌明微斯為得矣若云被蹴則似躡蹠似踢不可

一定且於無寃錄一部不見蹴字豈可混用之如是乎



又凡足踐曰踏膝擗曰等而蹴之為義原無兩歧按獄  
家之所不用也 踢字之義因可講也 跡踢數名見山  
海經河靈嬰踢見楊雄傳歷考字書無使脚挑打之訓  
惟蹴鞠譜有對踢單踢角踢大踢等諸法明係擊毬騰  
空之名東坡戲司馬溫公有斃廝踢一語劉野夫有乾  
拳濕踢諸語皆後世假借之字非蒼籀之原義也 此  
狀所云命骨又何物也野人以心坎上骨謂之命骨而  
命骨之名不見於屍帳目錄因供雖有此言跋詞宜有  
解脫直稱命骨其誰知之 且其云被告人膺福何也  
蓋云論理執定之前姑名曰被告人論理執定之後乃



名曰正犯也然檢狀之式已自檢驗之初無犯者書之  
曰被告實犯者書之曰正犯書其年歲以受招辭今於  
跋尾忽稱被告可乎跋文與檢狀招辭合為一篇文字  
則正犯之為正犯久矣忽稱被告可乎

判付曰徐膺福獄事段兄弟爭死固難責之於渠輩而兄  
誣其弟、誣其兄疑亂事情歎敗倫彛即此一事浮於殺  
越首從輕重不足區別而執定元犯次及他罪獄體即然  
大抵惹鬧者誰也曳荷者誰也首先是踢追到崔家去死  
不去者又誰也眾供明白已成鐵案多般粧撰都歸烏有  
則縱子呼冤誣弟鬪生是亦人理之所不忍聞似此罪囚



不可尋常例推膺福身乙依前同推期於輸款之意分付  
臣謹按兄弟同犯互相推諉聖明之世何以活矣歷  
觀古史其爭死者必生爭生者必死胡不悟矣其爭死  
者有友愛真切而然者有智識通慧而然者孔子曰仁  
者安仁知者利仁斯之謂矣



欽欽新書卷之十五

冽水 丁鏞 輯

祥刑追議三

首從之別十七

爭山伐喪一歸衆應  
根由使氣實因被打

義城民丁奉益等殺林命金 本道啓曰深夜山谷忽

地伐喪各自盛氣拚得性命而當前拌鬚雖是宗甲從

後撞背即一奉益丑時被打午時致命則行兇之慘毒

可以推知既無一毫之疑難連三尺之律又曰傷痕係

是必死致命無異當下戮殺之實不啻明白首從之別

終難執定而林用文招云終始毆打者著喪服稍老身



長之人

是如為白手而

老而長者果是奉盜則只此一句證招

足為十分斷案揆以情法別無疑端

刑曹啓曰實因不為不明詞證不為不備而特以元犯  
無所指的人皆囑生供亦屢幻舉枉倒觸之說崖岸跌  
壓之疑將使九地之冤永抱幽鬱三尺之律未免撓奪  
則法貴守經何適不然獄憲生奸此案尤甚吾可擔當  
渠供既輸覓給藥物真贓已露依前同推如何

別論曰嶺俗爭山誠一痼習况伐人喪車尤係法禁各聚  
徒黨相與鬪鬩上山者只知向前在山者必欲截後無論  
彼此主喪者倡之助勢者繼焉半夜昏黑一場廝殺則畢



竟致傷者不知撞著於何人之踢打誰某之兇械奉蓋之  
為元犯特喪主也先導也然其伐喪之時既無一箇公眼  
此邊之看證彼邊之指告率皆携貳終未歸一雖以屍親  
所傳死者之言論之或單指奉蓋或並舉宗甲正用末又  
捨正用而引宗甲一招二招爰幻無常其將何所據而決  
斷乎命金之致命固知其不出於三漢之手而其下手之  
先後輕重屢遭窮查迄未覈得則奉蓋之獨歸元犯連加  
嚴訊恐非審克之道奉蓋之刑放

末數字  
殘缺

臣謹按主此喪者奉蓋也管此山者奉蓋也張拳李踢  
皆瞻奉蓋之旗伯燠仲篋皆應奉蓋之唱則雖使奉蓋



端坐高立無所犯手猶不免為罪料况稍老者之終始  
毆打厥有林用文之招者乎然鄉俗虫蠹習氣愚妄以  
禁山看作義理以伐喪指為能事誦教一起衝撞四集  
當此之時其奉之或猛或緩其傷之或重或輕有非主  
喪者之所能指揮亦非主喪者之所能禁止此與同謀  
殺人而初造意者其情不同又與命奴執杖而坐堂上  
者其罪有間既然如是則甲乙輕重在所審問而所傳  
死者之言或貳或參無所歸一此奉益之所以活也  
聖意在此豈不微哉

首從之別十八

爭山禁藥交毆亂政  
根由使氣實因被打



晉州民林處甲等殺姜性才 本道啓曰蓋此獄事疑

案多端正犯莫辨一獄三囚屢年推訊及至前道臣別

開行查猶未究竟乃從審克之義先釋士甲之囚於是

焉處甲之正犯牢不可破

是白乎矣

第念半夜上山作黨禁

葬挺杖難當拳踢交加想其光景無異戰場當此之時

不知幾人被縛幾人被打則姜性才之適罹毒鋒竟至

致命者無異於亂軍中橫死

是白乎矣

毋論跌踣與擠踣翻

覆滾轉於數十丈崖谷之下則磕擦裂圻顧何所不至

若其骨碎與否有不可論

是白乎矣

今有數人於此並踣一

壑則其必有肢節折傷者矣又或有皮肉圻裂者矣有



顱骨破傷者矣有皮肉圻裂而顱骨不破者矣宣必骨  
碎為豚崖之驗內圻為被杖之痕乎假使額顱肉圻真  
是稜杖之所傷而處甲次甲次第打下亦宣必先者猛  
打而後者歇打乎惟其所打之孰輕孰重無以究得故  
姑且以先打者為首後打者為從是白若欲以先打後  
打硬定首從則原初被縛其在被打之先矣先縛者安  
知不先打乎然則士甲守福其為可疑則一也末稍區  
別終涉牽強與其放仍之際或失當否無寧彼此之間  
都付惟輕茲敢論列以俟處分是白私奴守福段屢屢  
其招眩亂獄雖更取招不過最初之供而已一向推治



誠有瘦死之慮恐亦有違於法意子仍為先自臣管酌

放是白○評曰此啓剖析情理咸中肯綮詞氣條達所

罕覩也然惑於風水使於客氣驅而納之於萬仞坑塹

之中而但以其手犯之不明咸從惟輕之典並與其主

張作群者而不問其為甲為乙斯則過矣然則凡以眾

人之力驅之墮崖者皆無償命手恐不然也自他條中

看宜參

首從之別十九淫妹觸念糾眾殺姦

海州趙命得等殺鄭景文本道啓曰額角要害之傷

兩檢之案既明木枕亂打之狀十目之視難掩不喻當



初聞開雖緣彥聖之起端結縛露置既為命得之自服

則鐵案已成無一可疑正犯既辨無容再議是白惟彼

全台吏即干犯李彥星之妾也為其夫訟寃而忽引已

死之吳女彥星妻粧出無憑之正犯乃曰其夫之為干犯

既寃命得之為正犯亦寃為脫其夫而搆誣吳女猶或

可也搆誣吳女並脫命得抑何意哉方彥星景文之相

聞也吳台史欲脫其夫之被執遂以杵木而撞打者雖

非異事真若打著於看養至於肉綻而骨裂必當即地

顛仆昏絕不省豈能趨走歸家如常酬酢是白雖以承

同傳及之語作為命得推諉之端是白乃打額打臀永同



無揆說之理誤聽誤傳尚大有自吐之辭此又脫空不

足為託

是自在  
如中

今此淫奔之趙女在彥星為嫂在命得

為妹褰裳醜行久為兩家之羞憤遷賄潛謀愈激一層

之悍怒半夜追趕蒼黃疾呼乃云汝妹之奸夫偷去吾

家之器物則命得以平日羞憤欲死之情激此時不俱

生之心不禁唾手而突起必欲甘心而後已父子兄弟

合勢同聲拳踢所及門屏盡碎想得片時光景便是一

場風雨彥星本以老嫗之入家中始鬧之時已被景文

之顛撲路上追逐之際又復餘氣之憊盡則威喝雖自

不已撞打實無其力諸供之純同可驗其實際遣

是白命



得段解髻北結亂下椎棒裸置雪庭歷一晝夜喝退家

人之來救忍見目前之殞命虎毒之性即此可知故初

覆檢所以命得為正犯彥星為干犯是白獄老生奸計

無不到乃以吳女之自斃把作亂疑之柄櫛謂之殺人

而徑却知其償命而先殞移其正犯以死償死是白屍

親諸招皆云吳召史性本柔順別無所犯是如為始也

顛沛於兩隻閹閹之場終焉驚怯於其夫殺越之變以

偏狹之性當罔措之厄寧欲溘然而無知致此飲滴而

自殞其死也可哀其跡也無疑是白今茲彥星之招以

為景文殺死實緣其妻命得正犯本為冤枉而初覆檢



昏迷不告

是如為白  
卧乎所

欲免自己之禍歸罪已故之妻何

其殘忍之甚也設令景文真被吳女之打殺甘心發告

之時吳女宛然生存以為子復誓之心捨此實犯之吳

女援彼無罪之命得有是理乎其用意之叵測造計之

巧譎昭不可掩

是白  
乎所命得

院依前訊推期於得情彥星

院既以干犯屢經刑訊其在審克之政似有酌處之道

並令該曹稟處

為白  
乎所

全召史

院

誣罔

天聽之罪不可

以四件內事有所容恕自

臣

營從重科治

為白  
齊

○議曰

全召史妻也吳召史妻也殺人一律也誣人一律之罪

亦一律也全也以一律之罪誣其女君其罪當在一律



特其情在於活夫不在於殺嫡出於夫命不出於私意  
誣於既死不誣於方生為可恕耳然敦風教正名分宜  
在於此惜乎道啓無此意也

首從之別二十

獄卒主使以因殺伴  
根由貪財實因被觸

海州民崔惡才等殺朴海得

初檢跋詞曰實因以因

驅迫被枷傷致死懸錄

覆檢跋詞曰朴海得屍身傷處

段領額左邊皮肉破綻

者二處而一處則橫長一寸六分斜濶六分深三分而

頤骨露出下一處則橫長六分斜濶四分毒氣攻注

色青黑四畔血瘡周匝而微硬上下瘡口乾燥而四陷



是乎

所著枷子當場親審則枷氏左傍折破枷板上赤

血塗乾

是乎

無冤錄棒毆死條有曰他物致死痕或青

或黑腫黯今此屍身之左頤撞著枷稜而骨露者即所

謂他物致死之痕而其痕青黑瘡口四陷此與無冤錄

所論實為吻合

為乎

渠以三十六七歲強壯之人通身

肉脫亦是理外無冤錄辜內病死條有曰形體瘦弱仍

于海得

段

肉終而骨露毒肆而腫成至於咽喉浮塞而

食飲久廢頭項強直而屈伸不得者恰過二十餘日則

宜其肉脫而瘦弱

是如

當初惡才勒令從奉威逼海得

立於門外以其所著枷端豎立於兩足背上乃以藁索



合枷板兩脚而束縛之於是海得之身自頭至足竦直  
難支前不能屈後不能伸有若朽木之自僵而空中顛  
仆遂觸牆壁枷穴左脅仍以折破於斯之時左頤角為  
枷稜所撞肥肉已綻而流血淋漓終至致命於辜限之  
內是手以實因毆以被制縛枷傷致死懸錄為手惡才自  
外而指使從奉自內而聽施以索縛枷者雖是從奉自  
初指揮者惡才也趨令惟謹者雖是從奉而自外咆喝  
者惡才也從奉身為獄囚命懸鎖主獄之卒匠謂之鎖匠兼之為  
罪人掌務鎖匠擇於諸囚差出此一身苦樂都在於鎖  
匠手中則惟令是從不敢違越容或無恠至於惡才



以年少強惡之漢不計前後不識是非惟以討錢為能  
事咆喝之聲甚於夜叉威脅之狀無異鬼卒侵虐獄囚  
無所不至以及於此是手大明律威脅制縛人條有曰  
若以威力主使人毆打而致死傷者並以主使之人為  
首下手之人為從今此惡才之罪正合此文為有崔惡  
才段以正犯懸錄李從奉段怯於威喝不敢不從是手  
手縛同囚以致殞命雖有首從之別難免加功之律以  
于犯懸錄

巡警題詞曰初覆檢實因既無異同被傷處要害又符  
法文則成獄償命毫無可疑



本道落曰以獄中之卒而侵虐獄囚以殺獄之囚而重

干殺事天下寧有是哉例錢討索多至五貫

五十

虐刑

勒出枷縛兩脚作一邊際終至殞命其為慘毒豈有如

此者乎李從奉

賤

本以殺獄重囚自稱獄中掌務不思

同病之憐但曰惟令之從渠之本罪或涉疑案雖已稟

落兩罪俱簇所犯愈亮聽人下手雖異首惡負罪加功

難免次律

是白手旅

崔惡才

賤

大明律凌虐罪囚條所引原

謀者杖流之文似當照勘

是白手矣

第念此事本係簇辦施

令不是同謀共毆

是白手

威力制縛人條主使為首之文

實合傍照

是白手

依前嚴刑期於推服



判付曰道狀則以惡才為主使曹啓則以從奉為元犯道  
狀則以制縛人旁照曹啓則以下手重直斷活者俱據法  
文細究自有段落以此較彼曹啓似勝第於此獄別有可駭  
首從緊歛有不暇論惡才鎖匠也從奉獄囚也自主指揮  
敢稱掌務一有新囚看作奇貨稱以踰門之例討出半百  
之錢從門隙而恐喝并枷頭而束縛使作蘧篥致令跌觸  
經萬般之痛楚纔廿日而致命兩囚所犯均是可殺此而  
曲加區別今而二之何以使京外獄卒獄囚知所懲畏乎  
兩囚並加嚴訊期於得情以言乎實曰則非打非踢雖難措  
辭咽喉浮腫水飲不通則謂之餓死可也顛跌觸牆項頸



傷損則謂之跌死可也流血淋漓瘡毒攻注則謂之瘡死

可也於此三者擇一懸錄若其所以餓所以跌所以瘡之

由於被縛枷傷云爾則事理明白不失無冤錄體段

是去

乙今以無冤錄所不載者硬定實因至以驅迫枷傷被制

縛枷傷等語懸錄者揆以獄體有開後弊當該兩檢官並

拿處因此而有另飭京外者辛前因宋朝恤獄因故事使

之灑滌其枷杻量給其衣藥又嚴飭獄卒輩之凌虐罪囚

者揭示令甲不啻丁寧

是去

飭令未幾便已解弛獄卒獄

囚符同行惡有此殺越之舉國有法紀豈敢乃爾籍曰營

卒異於邑卒營屬行惡本官其可袖手傍觀而不思所以



防戢之道手事在再昨午十月則道伯勿論當該地方官  
不可以檢案事拿處而止為先羅點當日監守刑吏監考  
等令道臣嚴刑定配不即發告人等段置亦令刑推懲勵

臣謹按檢官每遇稀有之事其實因二字無限獻推畢  
竟顛錯若熟讀此判原有開悟假有人縛人枷械又  
從而拔刀刺之當下致命則檢官於此當曰被刺致死  
必不曰被縛枷械刀傷致死若是者何也被刺恒有之  
事也以其恒有也故書被刺而不款也假有人縛人懸  
之於屋樑又從而舉棒打腦當下致命則檢官於此當  
曰被打致死必不曰被縛懸樑棒傷致死若是者何也



被打恒有之事也以其恒有也故書被打而不疑也假  
有人反接縛手又以縛之於柳樹又從而踢其腎囊檢  
官於此當曰被踢致死必不曰被縛掛樹脚傷致死以  
至於被擠被擗被勦被溺莫不皆然獨於此獄捨其骨  
子撫其皮膜宣不差哉毆迫被枷傷制縛被枷傷都係  
行文賸語非實際也非實際則非實因也書被刺者不  
言刀書被打者不言棒書被踢者不言脚書被擠者不  
言手誠以刀棒脚手猶屬外物屍身之所以死由於刺  
不由於刀由於打由於棒由於踢由於脚由於擠  
不由於手故書實因者言其所傷而不言其傷於何器



此檢案之大法也。誠若無刺雖有刀不死，誠若無打雖有棒不死，無踢無擣雖有脚手不死，執其所因者，執此手執彼手，刀棒脚手猶為皮膜，況於皮膜之外？又言其糾縛又於外皮之外，亦言其驅迫，豈不贅哉？實因也者，絕命之實，所以然非所以絕命也者，皆贅語也。今此朴海得之屍，當曰被觸致死，不可再添一字，何也？海得枷觸而死者也，然刀刺而死者不言刀，則枷觸而死者不必言枷，必言枷棒打而死者不言棒，則枷觸而死者不必言枷。其比例酷同，無可疑也。御判中歷舉賊死、跌死、瘡死，蓋設為此喻，以誨法官，非為此三條為海得之實因也。



告往知來舉一反三非羣下之所勉乎或曰被觸致死則無心犯此又不通之論也觸也者觸不加也觸不加者跌仆之故也跌仆也者以枷縛身之故也以枷縛身者李從奉也李從奉者崔惡才之所指使也推究到底崔惡才為心犯李從奉為次犯法例乃明御判中所云所以餓所以跌所以瘡之由不被縛枷傷者即此意也凡學此者盡亦熟讀御判又按獄中之事尊者不知凡獄中久囚其行惡施毒甚在獄卒其久囚多者其中有領坐公負掌務之稱每遇新囚雜用五惡之刑由是觀之李從奉不可但以趨承論也惡才立於門



外關而令之從奉憑藉外威從而虐之其本心之亮惡未必霍深而李淺也若使從奉少有寬假不快於惡才之心則惡才必破門直入當面威喝豈但闔門而與之語而已哉曹啓御判皆歸重於從奉蓋以是也

首從之別二十一

奴主同犯先毆後蓋  
根由使氣實因被踢

仁川民成三特奴主殺金福男 檢案闕

判付曰仁川府殺獄罪人成三特獄事隱因此入厨之事

殺渠近里之人手勢之慘毒屍帳之傷損殆無餘地酒店張爐要為迎客之資福男吸烟有何抵死之罪公然拳踢交加遽爾臍脇俱傷以至第四日致命渠雖欲百端粧說



烏可免償命之律是祿上典朴義揆顧籍豪奴毆打殘民

結縛之不足至於箠撻

是如

逮去獄成之日乃敢空家而

逃雖異造意難免原謀而既受六次嚴刑又被千里遠配

姑且無論三特之指告義揆頭有推諉底意思實是風化

所開即此一事可謂罪上添罪三特身乙姪令依前同推

臣議曰先毆者奴而其勢極後捶者主而其傷輕則朴

義揆不必原謀或其事勢不然也



自他之分一

死以刺刃詐云自刺  
根由報悉實因刃刺

金川民鄭先伊殺金奉秋 查官報狀曰人奴之叛主

者最讎陳告之人故推奴之客陳告之人被殺者滴

而其徒相與祕諱其事最難鉤覈乙仍今此鄭先伊多

年隱匿之子女一朝被告則其讎視奉秋必欲甘心觀

於崔檢忠覆檢招而可知也聞奉秋之來隣而急先招

來者可見隻橋相逢謂奉秋之如廁而請其同族者已

是春雉自鳴奉秋先出先伊踵出移時還入是如崔檢

忠梁二奉之招如出一口則衆目所視機事已露而胡

詞亂招手脚慌忙由是觀之先伊之刺殺奉秋條理分



明特以刺刃之時適無目擊之人行亮卽次終不吐實  
判付曰此獄肯綮專在自刺與被刺而既無真贓之可捉  
又無明證之可據只以崔檢忠踵出之招金台史請托之  
說作為斷案而踵出之招既已自脫請囑之說亦歸烏有  
是遣奉秋客地孤蹤也如欲沒意除去則時地容手何所  
可豈必行亮於渠家露跡於通掛故為此易變難掩之舉  
乎雖以檢狀中傷處觀之非但與無冤錄起手重收手輕  
之文相合且衣無輕刃之跡手無受傷之痕自刺被刺不  
難辨別是遣無端飲毒既出渠兄之口自憤使刃可驗平  
日之性是置屢閱文案細究情狀可明之端不一而足傳



生之論儘有意見手是如先伊身乙 叅酌沒放檢官推考

臣謹按被刺自刺之別專觀起手收手之跡此法例也

手足之捍頭目本是天理故被刺者必有捍禦之跡此

眼念之精義也

自他之分二

死以刺刃詐云自刺  
根由使氣實因被刺

龍岡宋壽殷殺宋北者 覆檢跋詞曰肚腹既係要害

內腸又至露出此無冤錄所謂一刀直致命者也憶彼

壳身敢以自刺極口發明以為求生之計是手自刺被

刺莫逃於檢狀是如今其傷痕兩頭尖小無起手收手

之別諸招歸一皆曰被刺則其所自明都歸誣罔分此  
不論



撥以人情見辱者逞毒手辱人者自我手發憤不庶叔  
之說行亮於當面之地者明若觀火是遣好生惡死人  
之常情止者年過二十因一微事遽然自我必無是理  
實因段以被刺致死懸錄是手宋壽殷段聽言觀顏已  
非順人其母責之曰天高聽卑汝無所惜汝妻可憐斯  
豈非刺殺之實驗乎殺狗買差已在未絕之前血染亮  
刀又出渠家之中渠雖黷明其可得乎宋壽殷段以正  
犯懸錄○評曰好生惡死人之常情遽然自我必無是  
理這四句非理之言也自刺自縊者項背相望但論事  
變何說常情凡自他之別用此四句者法家之大忌也



判付曰頃因擊鉦行查文案極其該備似無起疑之端是  
手蓋壽殷之於此者以其親則袒免也以其情則切鄰也  
事由微細寢起倉猝盜竊之事固所自愧朝戲之言亦復  
何尤而白晝大道之中袖刃而殺之無異骨虐血讎不此除良  
吾婦可憐之說既有叅證其子焉往之語亦未隱諱以至  
傳瘡之物調病之藥渠皆出力擔當則渠罪渠自知之道  
啓中請絲縫腹殺狗傳瘡足見情跡昭著者儘是實際語  
也此而不施當律其可曰國有法乎壽殷身乙各別嚴刑  
期不輸款

自他之分三

死以自縊怯在誣告  
根由爭山實因自縊



谷山民張斗必因安太已致死被告 覆檢跋詞曰安

太已所爭山地乃是外甥之塚張斗必自破其墓明有

掘移之期本無逼迫今又快意無端自裁實出情外

如是

手蓋此斗必之自破將誣太已之私掘往出橫羅之怯

有此縊死之舉真所謂浪死人也自縊跪死明有法文

是遣 右耳上片、皮脫實非致命之傷而額頰之痕起

自左耳後斜入右耳後其色紫黑微硬

是手 兩手握流

矢等證皆合於自縊條

是手實因

段 以自縊致死懸錄

為張斗必

段

自破其墓誣人私掘使至於飲憤自裁由

我之律焉得免乎



巡警題詞曰屍親三人之招皆云以年老躁急之性怯  
斗必告官之行恐外孫之橫羅欲嫁禍而自裁是如彼  
斗必不勘撞頭之發惡未免自掘而露棺餘憤所激誣  
以私掘搆捏呈官必欲嫁禍者究厥心術萬之巧慘是  
矣年過七十法不當刑照律定配亦無其道並與于連  
諸人即為放送案大明律曰七十以上犯流罪以下  
收贖今此張斗必誣人反坐罪在徒流法當收贖無端  
自放並不收贖非矣

自他之分四

死以自縊念在被蹴  
根由使氣實因自縊

海州民李從奉以白德采致死被告查官報狀曰三



檢文案參互考閱傷痕雖多俱非要害致命之傷是遺

領額縊索之痕交至左右髮際今至一旬之久諸痕皆

腐獨以縊處皮膜貼骨猶見青黑之色實因段不得

以自縊懸錄孫為乎揆之以詞證可疑者非一是如人固

有命盡魂已無端自縊而死者是乎今此自德米段闕

止人散之後四顧寂寞茫然自掛於松枝者抑何心乎

無入之地手執胯腰者何處覓得繩索乎若謂之藁索

則藁索不存若謂之腰帶則袴子不落其可疑一也且

以同行入崔辰光任丁斗及德米妻之招觀之方闕之

際腰帶忽落則理當拾而予之何乃拾而歸之手既拾



而歸則並其衣冠歸之其妻可也何待送覓索之而後  
歸之乎其可疑二也德米既脫衣冠襪子既紳牛背則  
因以歛來可也辰先抑獨何意納諸水中而來乎阮袖  
而來則即與還穀同傳可也抑又何意別傳於德米之  
盲祖母乎其可疑三也解聞之時日猶未明望黑路中  
其散髮赤身有袴無帶之德米而獨携衣冠戰勝之從  
奉以歸者亦何意也其可疑四也凡此四條疑案嚴刑  
究問事理當然是去辰光丁斗等一次例刑遽然放釋  
似為率爾是乎從奉是一言之激猝而扼之據而蹴之  
心既快矣怒亦解矣何至於阮打復縊必殺乃已乎此



必無之理也。檢之至三實因不出自縊其罪雖重在法  
不至償命。○評曰：既曰查官不當行檢，若不行檢何見  
縊痕何執實？因若既行檢是名四檢，非查官也。且凡云  
檢者必初檢覆檢實因不同傷處不同。然後乃有三檢  
傷處之有縊痕實因之為自縊，初覆既同則又何為三  
檢乎？斯皆不可知也。然查官議讞精核中理此必崔任  
等三四人奪彼腰帶合同勒殺假作松枝之掛監司之  
疑自初如此故初覆雖同自縊畢竟三檢而四查也。但  
其縊痕無結締之交故查官之定實因別用不得不三  
字。案從奉又於獄中再犯殺人之罪見上首從條



自他之分五

既毆而斃假縊以掩  
根由使氣實因被打

全州民梁時突殺韓雪云

初檢版詞曰今此韓雪云

屍身仰面

段

頭顱右邊傷痕硬點右頰傷處分寸較大

作孔頗深以手按之既陷且硬血水尚流合面

段

項顙

右邊亦有傷損之跡

是手

怒棒所觸其痕狼籍下手之

慘毒殞絕之意速無復可言故實因

段

以被打致死懸

錄

為在

正犯梁時突自知罪犯蔽明無路既以打殺自

服

是手

結項之說屢族於其招故項頸髮際等處再三

按審初無縊痕

是遣

所係架木以周尺量之高不過六

尺二寸初無吊掛之痕則結項之說自歸落空

是遣

屍



親之招曰喪布棺材之討出者欲執真贓也棺衽錄丁  
之不設者以待檢驗也事雖顛倒語有倫脊是手老郎

者時突之異父兄也其兄殺人問於其弟有違法例故

不為盤問○評曰此跋不言正犯以梁時突懸錄却非

違式何也所謂懸錄者謂錄之於屍帳也於此再言者

追言其懸錄之所以然也若獄情明白正犯昭著別無情

理之可言者直論正犯之罪不言懸錄非違式也監司

若遇此等跋文宜勿執咎

巡警題詞曰行亮之松木見在證招之鐵案已成渠亦

於他無辭發明是去乃敢假作自縊憑藉而生



判付曰梁時突獄事

段

必非自縊明是假縊

此除良

移置屍

身於房中也時突與老郎合力則于犯老郎處所當以此一番盤問而檢狀推案初無槩見者大是疎漏寔秋堂之執此為言誠有所見今付該道使之推覈狀聞實合慎獄之義且無寃錄有死後縊項其色白之文當初檢驗時何不以此為準

喻是隱

亦令查實狀聞

自他之分六

既既而斃假縊以埋  
根由奸淫實因被打

海南民鄭卜男殺某甲

檢案闕

判付曰鄭卜男獄事

段

狹斜相逢始既毆踢庭宇追闕旋

又縛打受傷俱係要害致命遂在頃刻不是難屍帳而周



之痕掩自己殺越之跡究厥情狀已極巧惡

乙是去

暗借般

隻先尋逃躲之跡陰族雇奴將謀投屍之舉

是如可

及其潮

退之後陰塵沙泥之中渠之設計自謂巧密而天理孔昭

何以掩矣况貴三至親也至曰葉縛而下手得伊雇奴也

自陳皮辯之縊項李呂史母也猶云自縊無痕事在暮夜

我子權撰

是如為有置

以母證子法雖不可兩人之招不掩其

奸詞證無可疑也膏體脊背血瘡堅硬圓圍廣濶傷痕狼

藉項上白色又與無冤錄死後假縊之形毫無差爽實因

無可疑也三尺至嚴一律難貸此而不施其可曰國有法

乎卜男身乙依前訊推期於輸情



臣謹按此判之下有奸所等別論本事似由於奸淫也  
死後假鑑其痕必白 聖諭明引法文罪人其無辭矣

自他之分七 糾差毆勒詐云自鑑  
根由使氣實日被勒

通津民張志興殺霍貴萬 檢案關

判付曰霍貴萬張志興構惑示已久矣彼志興者跡雖單  
弱名則誑族聞黑夜踰牆之說遭白晝登山之辱遂乃百  
般謀害每思一番逞憾第以殘劣之勢實無抵敵之望則  
邀致貧寒宗誑威喝鄉民粧出串昌諸人假稱官差藉勢  
而威脅出門設謀而誘引至路渠乃極力挽執恣意毆打  
此非一朝一夕之故也第此文業疑端不一初檢以自鑑



懸錄覆檢四檢以被踢懸錄三檢以勒縊懸錄是遣屍親

之招或曰結縛亂打或云氣塞驅迫或云熟麻結項中道

殞命則熟麻為行兇之器結項為致命之本而初不分明

細供末又漫漶說去者有甚委折是論訊推殆近數紀狀

牒不啻累牘其在慎獄之義不可遽然決折志興身已更

令該道各剝嚴訊詳查啓聞

臣謹按屢儒受辱頑張肆惡一泄其憤容有可恕數紀

在囚亦云大懲故聖意不欲遽斷觀於詞肯有可

以仰見者矣

自他之分

當寒細縛疑於氣窒  
根由爭要實因被縛



洪州民李聖賓殺鄭用才 本道啓曰蓋此用才之致命在於被縛之翌日而所謂傷痕只是縛痕顯著而已至覆檢屍帳始云後肋一處微有硬意三檢屍帳亦云後肋一處卞有硬意即意一字可知其不甚明白曰微曰卞可見其若存若無所以三次實因不及於被打一辭論斷歸重於被縛也初檢之云被縛致死固有疎忽之失而覆檢之加以氣窒三檢之斷以氣盡亦未知真切合理設使被縛之初或窒或盡及其解縛之後撫之磨之能作言語且經一宿則其窒者已通盡者復延何至於終殞其生哉或謂之嚴冬沍寒縛置庭中凍餒切



身仍以致命

是良置

觀於屍帳既無項縮脚拳寒栗黃緊

之證又無臍肚貼腔硬直黑瘦之驗與無冤錄凍餒死

條無一彷彿

是手所

大抵用才之於劉汝也一念如結百

計畧得藉使未成之奸視你已娶之妻

是如可

事未及諧

勢有不敵遽你他家之婦遂為無聊之人喪心落膽忘

寢廢食或掛榜揚言於新嫁之家或登山大呼於所居

之村忿恚欲死如癡如狂

是白在中

碎然現捉於逃避之

際仍為被縛於稠衆之中忿熾如炎氣結如輪冲激抑

塞以至於死

是白如手

屍親朴召史之指曰用才臨死每云

肝腸如焚若其痛苦專由被縛則叫之曰四體麻木可



也呼之曰一身疼痛亦可也何必曰肝腸如焚乎區、  
愚見則古人志死之文容或近之檢案縛死之說未之  
信焉至於營題偏執後肋之微硬乃云如非手打必是  
膝擡者亦由於摸索不得是白微有也乍有也未必真  
硬如非也必是也都是疑似以疑似之見斷未必之獄  
是豈審慎之道乎所謂松木藁石始族於朴女之口而  
及聖賓對質之時頗似窘遁是白松木之打渠若叅見  
死者之歟同縛一庭豈獨不見乎藁石之塊彼果使用  
撞著之痕必當顯著胡乃熹微乎此與聖賓砒礪之說  
何以異矣如此胡辭不必深究但當以傷處之有無案



因之當否叅以事理斷其死生

乙仍

敢此論列恭俟處

分

是白

○評曰

此啓

十分

明核

然肝

腸如

焚未

必為

聖

賓昭脫之案被縛經夜氣窒血鬱內攻心肺亦當曰肝

腸如焚胡獨非被縛之所崇乎以疑從輕可也因此全

釋恐不可也







